



**FORUM ŽENA
SOCIJALDEMOKRATSKE PARTIJE
BOSNE I HERCEGOVINE**

Kandidatima, kandidatkinjama za predsjednika, predsjednicu SDP BiH,

Forum žena SDP BiH Vam se obraća sa ciljem doprinosa izboru za predsjednika, predsjednicu SDP BiH i profiliranju najboljeg kandidata, kandidatkinje i njegovog, njenog programa za konsolidaciju unutrašnje organizacije i programa SDP BiH, kao i buduće političko djelovanje naše partije. Forum žena SDP BiH ima direktan interes u izboru predsjednika, predsjednice SDP BiH jer želi da sa snažnim i kvalitetnim liderom, lidericom nastavi raditi na konsolidaciji i daljem jačanju SDP BiH u bh. društvu i međunarodnim odnosima.

Stav Foruma žena SDP BiH je da SDP BiH može biti prava, moderna i istinski socijaldemokratska politička partija jedino ako u potpunosti poštuje principe rodne ravnopravnosti u svim sferama društva. U tom smislu, smatramo da je neophodno da budući predsjednik, predsjednica SDP BiH preuzme vrlo konkretne obaveze u smislu osiguranja poštivanja principa rodne ravnopravnosti unutar i van SDP BiH, kao i integrisanja rodne perspektive u sve odluke, politike i djelovanje SDP BiH, bilo u poziciji ili opoziciji.

Iz ovog razloga Vas pozivamo da svojim potpisom iskažete opredjeljenje za ove principe:

Opredjeljenja za izmjene Statuta:

- ravnopravno učešće žena u organima SDP BiH na svim nivoima organizovanja na bazi pariteta
- redefiniranje statusa Foruma žena
- integrisanje rodne perspektive u definisanje politika SDP BiH

Programska opredjeljenja:

- dosljedna primjena principa rodne ravnopravnosti unutar struktura SDP BiH i u politikama SDP BiH
- zagovaranje rodno osjetljivih politika u obrazovanju koje omogućavaju jednak pristup obrazovanju pripadnicima oba spola, rodno osjetljive nastavne planove i programe i udžbenike koji ne promoviraju rodne stereotipe
- zalaganje za sprečavanje i zaštitu od diskriminacije žena u radnim odnosima, uključujući sprečavanje proizvoljnih otkaza radi trudnoće ili bolesti, te sprečavanje mobinga
- zagovaranje politika za ekonomsko osnaživanje žena u gradu i na selu kroz aktivne politike zapošljavanja, podršku ženskom poduzetništvu i cjeloživotno učenje, kao i jednako učešće u upravne odbore javnih kompanija



**FORUM ŽENA
SOCIJALDEMOKRATSKE PARTIJE
BOSNE I HERCEGOVINE**

- *promocija zdravih stilova života, te seksualnog i reproduktivnog zdravlja žena i muškaraca, kroz seksualno obrazovanje u školama i osiguranja prava na izbor*
- *zalaganje za osiguranje pretpostavki za usklađivanje porodičnog i profesionalnog života, kroz afirmaciju roditeljskog odsustva, fleksibilno radno vrijeme i svima dostupno predškolsko obrazovanje za djecu*
- *zalaganje za rješavanje pitanja penzija za žene domaćice te podršku samohranim roditeljima*
- *aktivno učešće u sprečavanju i suzbijanju rodnozasnovanog nasilja te zaštitu žrtava nasilja nad ženama i seksualnim manjinama*
- *zagovaranje povećanja broja žena u policijskim i vojnim snagama radi promocije uloge žena u izgradnji mira i pomirenju*

Vjerujemo da ćete svojim potpisom dati podršku navedenim principima, prihvatiti ova opredjeljenja kao svoja, te ih dosljedno primjenjivati u budućem radu.

(potpis kandidata/kandidatkinje)